



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 44. Quidam Scriptores A catholici hoc anno defuncti.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII. rerus S. J. plurimum commendat, eo  
 A. C. 1624. quod Author in illo Jesuitas proli-  
 xius laudat.

## §. XLIV.

*Quidam Scriptores A catholici hoc anno defuncti.*

*Vid. Supra l. 192. §. 40. Freh. theat. Vir. p. 1. Sect. III.* Obiit quidem hoc anno die septima Novembris Jacobus Bömius Sutor ille Görлитensis, quia vero de hujus fanatici Sycophantæ deliriis jam alibi mentionem fecimus, plura de eo referre piget: præter hunc recensendi veniunt. I. Joannes Affelmannus Susati in Westphalia natus, qui accerrimus Calvinistarum hostis caput nonum Apocalypsis de locustis ad Calvinianos accommodavit. Scripsit etiam censuram, censuræ Lampadianæ Theologiæ de omnipotentia Christi, examen Concionis Rhuelianæ de cæna Domini, Syntagma exercitationum de articulis fidei inter Pontificios & Calvinistas controversis, tres conflictus Antijesuiticos, & Synopsin controversiarum de Sacramento Baptismi præter plura alia minoris momenti opuscula. II. Matthæus Vogelius, qui die tertia Septembris sexagenario major decessit, ediditque thesaurum Theologicum, ex sola Scriptura S. omnium locorum Theologicorum explicata.



plicationem, confutationem errorum, Sæc. XVII.  
pie vivendi rationem, & nonnulla alia. A. C. 1624.

III. Cunradus Aslacus Bergis in Norwegia natus, & septimo Februarii die Havnæ Danorum denatus, qui typis vulgavit disputationes Theologicas de S. Scriptura, de Deo, de libero arbitrio &c. de Emanuele Christo Domino, de natura Christi triplicis, Ethicam Moisaicam, & orationem de Religione per Lutherum reformata. IV. Jacobus Cappellus Sedanensis Pastor posteris reliquit Vindicias pro Isacco Casaubono, Historiam Sacram & exoticam, Historiæ Ecclesiasticæ centurias quinque, observationes in Novum Testamentum, & librum de Sedis Apostolicæ fide, potestate & Sanctitate. V. Ceteris omnibus magis nominatum se reddidit Samuel Huberus patria Bernensis, qui ex Bezæ doctrina *de decreto absoluto & gratia particulari* in Colloquio Mompelgardensi stabilito tantum horrorem concepit, ut publice coram Senatu hunc errorem impugnaret, unde a Tigurinis in carceres conjectus, Pastoris officio amovebatur, postea vero Calvinum cum Luthero commutans, illiusque errorem exuens, in deteriores fanaticismos prolapsus est. Enimvero apud Lutheranos ob fervens suum in Calvinistas odium gratissimus erat, post-



Sæc. XVII. postquam vero docuit, quod Deus ab  
 Sæc. 1624. æterno omnes homines sine omni re-  
 spectu fidei ad fidem ordinavit, nec  
 credentem magis diligit, quam non  
 credentem, omnesque etiam damnati  
 ita a Deo electi sint, ut actu sint in nume-  
 ro electorum; &c. exinde inter ipsos Lu-  
 theranos Prædicantes gravem conten-  
 tionem excitavit, quibusdam Huberi con-  
 fessionem pro aris & focis propugnantibus,  
 Saxonis & præcipue Misnicis &  
 Wirtenbergicis hæc dogmata detestantibus,  
 quibus tamen Huberus minime cedens,  
 eisque Calvinismi labem expro-  
 bans, ut acerbiorum vexam redimeret,  
 suis hostibus & Polycarpo Lysero Colle-  
 gæ suo, qui illum continuo hæretici con-  
 vitio exasperabat, hanc pacis condi-  
 tionem obtulit, quod si in posterum suæ  
 parceretur existimationi, phrasas, non  
 tamen doctrinam, electionis Univer-  
 salis omittere vellet. Ita hi nugiven-  
 duli de Sacratissimis fidei dogmatibus  
 ludunt, ac mercantur: Nihilominus  
 prævalente invidia Huberus denuo suo  
 munere movetur, atque urgente Hæo  
 Lutheranæ Concionatore Aulico igno-  
 miniose toto Saxonis Electoratu eji-  
 citur: Hunc tamen Helmstadiensis ad  
 Cœnæ communionem non inviti ad-  
 miserunt, Mansfeldiensis & Eislebien-  
 sis contra eam illi denegarunt, ejus-  
 que



que dogmata ex Lutheranis quidam Sæc. XVII.  
 defenderunt, alii tanquam hæretica A. C. 1624.  
 diris devoverunt; ex quo Lutheranæ  
 Ecclesiæ puritas, unitasque satis elu-  
 cet. Periit tandem Huberus Osterwichi  
 die vigesima quinta Martii anno ætatis  
 suæ septuagesimo septimo: Edidit ve-  
 ro suum Anti-Bellarminum, plura-  
 que alia opuscula adversus Catholicos  
 & Calvinistas.

## §. XLV.

*Comitia Procerum Polonorum Var-  
saviæ celebrata.*

Jactabatur hoc anno Poloniæ Regnum Lotich. rer.  
 periculosis admodum tumultibus; Germ. l. 14.  
 Tartari enim, cum ob triennem sic- c. 1. & 5.  
 citatem annonæ pabulique penuria pre- Theatr. Eu-  
 merentur, collectis ferme ducentis ho- rop. p. 802.  
 minum millibus in Poloniam irrupere, Brachel. Hist.  
 quos tamen Conjeczolsius Polonici l. 2. p. 76.  
 exercitus Dux, recens ex captivitate Pufendorff.  
 Turcica reversus, iterata clade fudit, Hist. de  
 captivis Christianis pene innumeris suede tom. 2.  
 libertati restituitis. Nec tamen hæc  
 victoria Poloniam novæ Tartarorum  
 irruptionis metu liberaverat: Gusta-  
 vus quoque Adolphus Sueciæ Rex ma-  
 gnâ Livoniæ partem victricibus ar-  
 mis jamjam emensus erat. Igitur Si-  
 gismundus Poloniæ Rex Ordinum co-  
 mitia